

671.3443
078
114

光州志

光州忠節志卷之二

五品
翎頂
武生

駱金堂

年五十六歲潘家店人少年熟習弓馬有百步穿揚之技同里咸以大器期之游庠後益自刻勵屢試不售志不少衰會咸豐六年粵匪竄擾武昌奮袂而起慷慨從戎隨同官軍攻克漢陽府城保舉五品翎頂八九年隨同光州張牧堵禦三河尖烏龍集等處十年隨同南汝光道鄭觀察分帶練勇每戰必先親昌矢石觀察頗倚重之十一年春光州秦牧諭令在本保潘家店辦團斯時各保築寨自衛均有團長金堂往來聯絡殆無虛日人以其曉暢軍事亦以長城

恃焉是年十二月十六日賊至力戰擊退明日復率悍黨來撲金堂指揮如意大挫兇鋒奪獲馬匹器械無算方謂兩戰兩捷賊必膽落不期十八日黎明大股賊匪蜂擁而至金堂知勢不敵仰天禱祝並激勵練勇以冀以少勝多卒因寡不敵眾力戰陣亡其同時殉難姓名可攷者武生駱紹蘭練勇聞念題丁源濬金傳明四人而已

增
張守一

年五十四歲小呂河人平時潛心經史足不履城市自咸豐六七年間髮捻蜂起目擊時艱乃毅然以捍衛鄉閭爲任往來隣保籌商守助迨烽火稍平卽呶唔不輟其素性然也咸豐九年

八月十四蟾輪甫滿鶴唳頻驚有捻逆孫葵心者率大隊過境勢如飄風急雨猝不及防守一邀練截擊爲賊所執痛罵不屈遇害

文生涂煥章

年三十一歲潘家店涂家棚人聚族而居辦團目衛同治二年五月初二日粵匪竄擾本境煥章督率練勇親執戈矛踴躍赴敵旋以賊眾我寡身受重傷恐被執受辱急投河內殞命

文生李仲泌

年四十二歲白露河人於李家瓦房家焉咸豐七年四月初六日皖匪來撲仲泌帶練迎戰見勢不敵知必不免於難乃奮不顧身縱橫馳驟忽飛躍手刃一賊羣賊恨甚追至本宅東首受

麟傷

而死

監生徐資異

年六十一歲沙溝店徐家塢人年高望重鄉里莫不畏服同治初年賊氛猶熾同里舉辦團練

另設練長數人而以資異總其成年逾花甲精力不衰每遇賊擾必偕練長赴敵顧盼自雄四年十一月十三日粵匪竄擾本境復偕練長夏尙顏等督率練勇奮力鏖戰柰該匪愈聚愈眾腹背受敵力盡身亡其同時殉難之夏尙顏等二十人姓名均列於後亦足以垂不朽云

監生張鴻熹

年二十二歲土亞港張家莊人同治二年五月初七日粵匪大隊過境鴻熹被擄脅令同行業

走至談家小窪地方鴻熹忽拔身帶佩刀突刺一賊不中爲羣賊攢殺

廩生王會

年六十歲光州城內人學有本原負笈者不遠千里而至旋赴永甯縣之鄉間教讀春風絳帳成就良多同治紀元三月二十六日皖匪大股圍城王會在城外遇賊裏脅知爲儒生欲挈之同行會曰我年老書生不能殺賊爲恨尙肯從賊耶罵不絕口被戕而死

文生程步瀛

年六十八歲仁和集人團練壯勇數百名聞警赴援不分畛域不獨保衛本境計也咸豐十一年十二月十九日粵匪南竄步瀛率領鄉團在光山縣之斛山寨迤北與賊接仗互有傷亡步

瀛受傷甚重猶手磨練勇血戰不必顧我旋被賊用刀亂砍殞命其時步瀛之長子監生程重三隨父赴敵見父被害單身持矛奮入賊營見賊便殺若有神助賊爲之却奈大股逆匪層層圍裏身不得脫登時被殺時年四十六歲

從九
余文試

年四十六歲和睦店褚家橋人同治四年十一月二十五日粵匪擾害文試當戶兀坐毫無怯色賊壯之脅令同行文試應曰我之不避早拚一死快殺我以頸就刃遂遇害從容就義如

文試者

其庶乎

從九

王文元

年四十八歲白露河人咸豐十一年七月三十日息境土匪劉錦章等合數千人在白露河西晝夜焚掠王文元恐其偷渡河東急偕幫辦旂首從九汪會元等帶領鄉勇三百七十餘名合力堵禦幸未過河至三十日早飯後正在沿河防守該匪忽從集後蜂擁而來一時眾寡不敵王文元汪會元等均力盡陣亡其同時死難諸人姓名附列於後

廩生朱惟一

年五十二歲杜付店康家灣人咸豐十一年七月十七日粵匪犯境惟一率領鄉團奮力抵禦賊忽許敗練勇趁勢追勦伏兵突起首尾不能相顧惟一身受重傷登時殞命其同時陣亡者

張有慶朱有祿王成此外姓名失攷未經呈報
尙不知幾人竟使泉壤沈淪孤忠湮沒可慨也
夫

著黃有湘

年七十二歲麻樹店黃家樓人桑榆景暮步履
蹣跚賊未到時先謂其兒孫曰我年逾古稀既
不能敵又不能避一旦賊來尙肯忍辱偷生耶
爾等各尋生路不必顧我同治四年十一月初
十日粵匪犯境在桃
林鋪地方罵賊遇害

黃有霖

年七十八歲和睦店吳家集人年將日耄精力
未衰每與隣里談及時事輒慷慨激昂并口授

防禦諸策娓娓不倦人咸謂此老滿面水
幸而遇賊必不肯屈果於同治四年十一月二
十三日在本
宅罵賊遇難

童生馬忠誠

年五十二歲白露河張家大營人博覽羣書講
求實學爲文有豪氣不拘拘於法度屢試不售
遂棄時文而爲根柢之學人亦樸實無華以獎
掖後進爲已任遊其門者如坐春風焉咸豐七
年四月十六日皖匪
擾境大罵不屈遇害

臧青雲

年四十五歲河陂寺人力耕謀食事母以孝聞
歲時伏臘殺鷄供母必跪進自田間回家午餐

母弗食勿敢食也故鄉里咸重之咸豐十一年十二月二十二日在途中被皖匪張落刑之黨擄去行至白露河范家廟前天將黃昏因念家有七旬老母我今被擄誰爲奉養思欲潛逃柰旁有一騎馬賊緊跟遂暗取賊人長刀砍賊落馬正欲狂奔羣賊攢刺受重傷而死

巨宅明

年四十二歲大沙灣人生有膂力血性過人時值皖匪騷擾民不聊生一歲之中數被焚掠該保辦團築寨籍以自衛宅明日與練勇貳百餘名演習刀矛幾成勁旅咸豐七年四月十六日皖逆入境帶勇堵剿在江家堰

地方遇賊接仗力戰捐軀

熊蔭田

年二十歲磨台寺白樹窩人年甫弱冠頗知節義爲重與人交忠信誠懇居然老成人也咸豐十一年十二月二十一日粵匪張總愚過境一時被擄者甚眾行至盤龍崗蔭田私語其鄉人曰我輩醜顏從賊不如速死之爲愈遂拔短刀擊賊遇害

凌文欽

年五十五歲上亞港仁和集人咸豐十一年粵匪到處騷擾文欽以死自誓不從賊亦不避賊志堅金石士大夫猶難之不謂得於鄉農也是年臘月十九日粵匪突至文欽在望河礮地方罵賊被殺嗚呼可

謂不負初心矣

張元 年六十五歲

張清

年五十九歲上亞港東嶽社人胞兄弟也始終友愛鄉黨無間言平時扶杖優游堦簷和協隣里爲之感化迨咸豐十一年十二月十九日粵匪竄擾二老誓同生死先是避賊於光山縣之松山地方適匪至同時罵賊不屈死於難

牛映芳

年四十五歲白露河任家觀人先與練總王文元等同董團事聞隣境有警應聲而至賊知有

備往往繞道而去鄉里賴以少安咸豐七年四月十六日皖匪來撲遂偕王文元等奮力堵禦

擒賊目一人手斬之賊至愈
眾力不能支被賊扎傷殞命

李春華

年二十五歲州城南門保人貿易鄉間常居於
鄉同治十一年十月十一日粵匪竄至毛家集
一帶春華隨團堵禦因賊勢
兇橫所率勇多潰去遂遇害

李應洪

年十一歲

李應法

年九歲上亞港仁和集人胞兄弟也咸豐十一
年十二月十九日粵匪過境兄弟懼被擄受辱
攜手投塘內死嗚呼年纔舞勺誼篤吹壎形影
相依痛椿萱之早萎友恭無間願棣萼之同榮

何期兵火橫飛竟作池塘之夢尙喜姓名無恙
得沾雨露之恩哀彼童年猶存勁節爰書數語
以慰

孤忠

李斑

年六十九歲下亞港人白髮蒼顏兒孫繞膝戚
族咸羨之乃遭時多故烽火頻驚李斑招兒孫
諭曰人生如朝露况我暮齒殘年更無繫戀賊
至我必死爾等各自逃生勿絕宗祀我死無憾
矣未幾粵匪擾害以杖擊賊遂被
殺時同治四年十一月十三日也

陶慶餘

年六十歲下亞港人與李斑爲莫逆交相距里
許聞斑死慨然嘆曰大丈夫當如是也越數日

匪至亦罵賊而亡時四

年十一月十八日也

盧鳳選

年四十八歲光州小東關人時息境之烏龍集被土匪易添富騷擾風鶴之警一日頻聞鳳選在集貿易於咸豐五年四月二十三日土匪復肆焚掠鳳選憤恨填胸隻身迎敵力竭陣亡

劉宣

年四十歲高店人咸豐十年八月十三日晚匪犯境人心震恐不知所措劉宣潛往探視以覘虛實能戰則率團堵禦否則嚴守要隘而已行近賊營猝與賊遇猶手拔短刀格鬥被羣賊攢

刺而

死

警董樹林

年六十二歲白露河汪家溝人家人憫其警預
爲避寇計樹林曰我盲於目不盲於心食毛踐
土六十二年得罵賊而死亦足稍伸忠義之氣
甯死不逃也咸豐七年四月十六日皖匪入境
極口罵賊
被戕殞命

趙得勝

年二十一歲清水港人於南城東關家焉少年
好勇以從軍爲樂以殺賊爲快壯士也當同治
五年十一月十九日粵逆直抵關外城內居民
倉皇失措城外無數難民晝夜號哭聲震林木
守土者帶勇迎敵該逆愈來愈眾互有傷亡趙
得勝率領壯勇三十餘名突出關外助戰餘勇

可賈殺賊無算城上瞭望者莫不駭目驚心
該匪暗放洋鎗得勝中鎗陣亡餘勇多潰去

童生劉

典

年三十歲州之蔡連河人也生有異秉磊落不羣家有紅陳輒罄所積以資勇食日毋爲寇盜得也先是團練五千餘人自成一隊隣境有警馳往救援無事仍勤耕作按期操演一次卽寓兵於農之意亦詩所云同袍偕作者也同治紀元二月初七日粵逆竄至該境劉典偕劉善等在三里廟地方遇賊接仗踴躍爭先呼聲動天地賊將敗忽餘匪從旁蜂擁而來練勇胛腹蹙戰力不能支一時潰散劉典與劉善等二十餘人俱死於難其餘姓氏臚列於後以垂久遠亦

足以光

泉壤云

晏保

年三十五歲蔡連河之晏家莊人也同治六年三月十六日粵匪犯隆興集晏保帶練赴援該匪忽分另股焚掠本莊乃趕緊折回迎頭截擊練勇見勢不敵各鳥獸散晏保激昂大義蹈死不顧獨與王泮等十六人奮力死戰均受重傷無一生還者嗚呼十六人事蹟未詳其視死如歸見危授命則一也存其姓氏籍貫足與五人墓並傳矣

曹梅

年六十二歲潘家店人生於編伍之間不聞詩書之訓而忠忱義悃出於至誠當咸豐十一年

十二月十六日粵匪猝至

在雷家陡岡罵賊遇害

成狗

年二十二歲湖北黃皮縣原籍來州貿易有年咸豐五年五月初一日土匪易添富糾烏合之

眾圍撲州城城內戒嚴晝夜登陴守禦成狗防守西城城門樓恐賊梯城而入終夜瞭望忽中

鎗殞

命

王應合

年四十五歲潘家店人自髮捻倡亂輒憂憤成疾每對戚族談及時事曰我不忍親見殺戮也

咸豐十一年十二月十六日粵匪犯

境應合知不能守從容投緼而死

高自本

年三十四歲沙溝店人席豐履厚富甲於鄉爲人慷慨好施隣里鄉黨之困乏者時時周濟之

當咸豐年間髮捻作亂盜賊蜂起農民轉徙流離不得及時耕種庚癸之呼盈野自本惻然動念將所有積穀盡散於鄉迨十一年十二月十六日匪至从聞高家糧多爭先劫掠乃斯倉斯箱空諸所有賊怒其狡欲殺之自本匿於高家柳地方樹木深密賊無從踪跡忽有土匪指引卒爲所縛鞭之終不言復以火燒之遂死嗚呼何天之不佑善人也抑在數難迷歟

楊自忍

年五十四歲廟子崗人兄自貞弟自陶兄弟三人年皆五旬以外鶴原急難誓不獨生咸豐十

一年烽火驚心瘡痍滿目兄弟預商避禍計自
忍曰我輩年逾五旬不如死於家魂魄猶得依
墟墓也遂麾兒曹遠避三人涕泣相對迨臘月
十六日匪至三人指賊大罵賊忿甚舉烈火焚
其居兄弟
俱死於火

潘天祥

年五十八歲馬家湖人與其弟天佑友愛逾恒
自少至老數十年如一日隣里稱孝友焉兄弟
各有子耕種爲業頗守家風遭時多故未卜存
亡手足之情愈篤洎咸豐十一年十二月十六
日粵匪至其家天祥指賊大罵賊持刀
欲殺天佑哀號痛哭以身翼兄均被殺

王振聲

年六十歲馬家湖人咸豐十一年十二月十六日在本境遇賊被裏賊令引路搜掠財物振聲故從偏僻小路而行盡入無人之境賊怒其詐乃被殺

吳天成

年七十八歲州之小東關人春秋遲暮精力就衰一聞警報惴惴然輒廢眠食其子若孫百端寬慰天成曰我年將及耄豈尙畏死怕受辱耳萬一被賊裏脅一朝從逆卽爲千古罪人不如先死以全名節未幾粵逆犯關天成潛至就近之來神廟內投縵畢命時同治四年十一月初

十日

姚聘三

年四十二歲白露河之張家瓦房人也先是與
文生李仲泌爲刎頸交迨咸豐五六年間皖粵
各逆同時作亂土匪亦乘機劫掠豺虎橫行民
未知死所欲保首領以老於戶牖之下不可得
矣於是二人激發義氣倡辦鄉團數年之間凡
小股土捻莫不聞風落膽斂跡不出遠近倚爲
保障咸豐七年四月十六日皖匪爲患聘三偕
仲泌率勇堵勦業已鏖凶出險咸樂更生詎料
伏兵突起鄉練多潰去聘三戰死仲泌亦遇害
嗚呼先軫之元不返王琳之血難收若二子者
其節尤爲烈矣

仲泌另有傳

韓典

年三十一歲州之小東關人該處素通水道直達於淮爲商賈輻輳帆檣雲集之所逆匪垂涎已八屢次來撲寨墻堅固軍民齊心擊敗者再同治四年朏月十五日正值風雪交加該逆銜枚疾進寨外居民大半被害韓典擄至虎行店地方罵賊不屈刺死

劉孝

年二十八歲州之小東關人幼年失學粗識之無性謹飭規行矩步人多以不學惜之當同治四年冬鄉間難民露宿於冰雪之中不啻地獄劉孝見而憐之有空屋數椽假以居不索值也其好義大率類此是年十一月初十日粵匪竄擾劉孝潛至賊營探信行至五龍官前被擄該

逆盤踞廟內穢褻不堪孝

厲聲罵賊賊以刀砍斃

沈鴻義

年二十二歲州之小東關人家甚貧肩擔供母食同治四年十一月粵匪至負母逃至李家莊

見匪追及遂匿母於田

畔隻身赴敵力盡身亡

胡萬志

年四十二歲州之小東關人同治四年十一月粵匪至大肆剽掠關外男婦一時被裹甚眾萬

志義忿填胸約同志數十人擬攻其不備救回

被裹諸人追至李家莊該逆四路兜合獨萬志

血戰捐軀

餘俱潰散

楊槐

年四十五歲州之小東關人性剛直尙義氣嘗與人共貿易獨主店事絲毫無敢隱人故以信義重之同治四年十一月粵匪突至逃避不及遇賊於官渡口賊令秣馬厲聲曰我何人爲爾役耶賊怒以

亂刀斫之

戴啞叭

年二十八歲州之小東關人生不能言而有膂力性勇敢常作不平之鳴見人有負屈事輒指手頓足若將爲之伸寃者同治四年十一月粵匪來撲啞叭每隨練勇助戰初十日清晨賊又攻寨寨外練勇力不能支勢如瓦解獨啞叭一身是膽執刀亂殺被賊四面圍裏猶跳罵不屈

賊以長

槍刺死

王朝林

年四十八歲州之小東關人以貿易營生往來商賈咸主其家金銀亦委託焉有客寄存朱提若干約半年來此運貨越年餘不至訪於其鄉始知物故其家人未知存有銀也朝林如數送還其家家人爲之感泣於是遠近稱賢交易者踵相接富甲於鄉未嘗斂怨同治四年十一月粵匪至惧被執受辱投於鄢家塘內而死

從九 呂得志

年二十四歲居於呂家店之側幼讀詩書頗知大義弱冠援例納粟以冀稍効涓埃未出山適

遭多事乃與二三同志查保甲以絕奸宄辦團練以備不虞布置周密守望相助人心賴以少安置備器械經費獨任其半亦可謂慷慨好義者矣咸豐四年十一月土匪擾害得志親率練勇迎敵以訓練之士戰烏合之眾自足制勝不意該匪且戰且走引至僻處伏兵突起以刀砍得志登

時陣亡

從
九孟起英

年三十九歲傘陂寺人品行端方爲一鄉推重鄉里有構訟者輒爲之調停寢息日訟則終凶

也家計素裕事父母以孝聞自失怙恃每遇忌辰必嗚咽流涕鬱鬱累日其至性有大過人者

咸豐十一年正月粵匪大股來擾聞起英賢賊目親詣其家以好言誘其降降則大用起英曰叛逆之人神人共憤天地不容爾等死期將至尙欲誘我降耶賊怒以刀抉其口血流滿地罵仍不絕乃以刀亂砍身無完膚死後并碎其屍殉難最慘

耆張文炳

年七十歲傘陂寺人鶴髮童顏人都呼爲張壽星咸豐十一年十二月粵匪至文炳麾其家人避匿獨扶杖立於門外見賊過以杖擊之遂被殺

王全志

年六十九歲傘陂寺人世業農出作人息有葛天氏之風孫曾繞膝春酒介眉所謂田家自有

樂也同治四年賊氛逼近全志謂子若孫日爾等青年見賊必擄當預爲避禍計我白髮龍鍾得死於家足矣兒孫固請遠避遂匿於劉家堰賊經過該處搜括殆盡向全志索金銀不遂以

木棍

打斃

周林

年三十五歲傘陂寺人同治四年十一月十三日粵匪至凡少壯者俱被裹脅茶毒備至周林懼受辱隻身赴談家店匿焉適遇餘匪被追情急拾路旁石塊擊賊賊追更緊投井而死

王旭珍

年三十九歲談家店人偕堂兄王旭堂同辦團事柰蹂躪數載少壯者或死於難或散處四方其

存者僅老弱而已滿目瘡痍何心戰鬥同治四年十一月粵匪至兄弟偕隱於孟家崗賊聞風而至罵賊不

屈均遇害

劉珊

年四十三歲小閩河人家貧爲人傭耕有母七旬賴傭值以供甘旨春蕤秋菘及時以進鄉里

咸謂其能順親也同治四年十一月忽聞警信

珊念母情切由鄭家店回家省視將負母避亂行

抵洪河涯地

方遇匪被殺

余新

年三十一歲茶庵保人距余家莊僅數里耳皖匪於咸豐九年八月圍余家莊甚急余新以戚

族被圍寢食俱廢亟偕同里之汪玉率練
往援勢孤不敵練多潰散二人同時陣亡

李含輝

年五十歲茶庵保人少壯負奇氣學書學劍兼
而有之迨中原多故目擊時艱輒慷慨悲歌有
擊楫中流之概乃生與鄉里援引無人常抑抑
不得志也同治元年正月粵匪擾害慨然曰我
年已半百寂寂無聞不過於草木同腐耳伏波
馬革之言彥章豹皮之語實旦夕耿耿於懷遂
與崔三約同心殺賊崔三者亦有志士也正月
二十三日黎明持短刀待賊力戰捐軀崔三誓
不獨生手刃一賊爲
含輝報仇旋亦遇害

余辭

年六十二歲州之五里塘人以該處離城五里故名當咸豐十一年寇盜充斥居鄉者大半遷於城謂金湯足恃耳余辭曰城足恃不若眾志之城尤足恃况附郭之區須設勁旅以固藩籬清保甲以嚴門戶不然唇亡齒寒將何恃而不恐爰請於官於五里塘駐軍一枝扼其要也是年五月二十三日匪至余辭偕族弟士林隨勇堵禦年老力弱均死於難

吳儉

年六十五歲州之五里塘人與余辭比戶而居長辭年三歲約爲昆季白首如新聞辭死於賊悲憤交集誓必殺賊報仇所謂一死一生乃見交情也因獨木難支遂乞同里之周玉募勇士

數十人鼓噪而進賊初未解虛實爲之却退繼
知人無多復折回力戰鄉勇見勢不敵多潰去

吳儉周玉

先後遇害

五品
勳

張左勳

總

年二十七歲州之梁家店人童年就傅頗有夙
慧讀書至忠臣義士忽拍案驚奇忽掩卷流涕

師大異之謂此子他日必有大過人者也年少
長遭時多故家業凋零不得已投筆徙戍咸豐
十年光山縣令知其能親詣其家籌商防剿事
宜左勳慨然曰士爲知己者用邑侯知我我豈
無以報侯哉遂赴光山幫辦團練胸有勝筭民
皆用命迨十一年正月皖匪大隊圍城左勳守

禦南關獨當其衝於二十

五日黎明接仗力竭陣亡

從張崑山

年四十二歲茶庵保人性剛直隣里有貧乏者輒推解無吝色遠近翕然稱其賢咸豐十年十月皖匪破寨執鄉人問曰汝知張崑山乎崑山見賊以大義相勸侃侃而談嗣以觸怒被殺

朱壽

年三十三歲觀音堂人咸豐十一年正月粵匪竄擾壽恐受辱急投於水賊鈎出之復極罵不厲諺逆支解其體而死

潘世虎

年六十六歲州之寨河人也咸豐十年八月皖匪攻寨甚急世虎曰與其束手受縛不若決一

死戰遂與其弟世章振武等率領二十餘人奮力堵禦卒因不敵遇害世章振武皆死

潘天保

年二十四歲寨河店人同治元年正月粵匪至天保率領團練翁林等五十餘人迎擊於茶庵保之寨外手斬賊目三人而賊至益眾天保死於難是役也同時陣亡者八人姓氏附列於後

楊官五

年五十九歲州之五里塘人同治三年十月初二日粵匪蜂擁而來銳不可當官五與董小有等激於義憤明知不敵而蹈死不顧遂於楊家大莊前方戰捐軀同死者六人曰董小有徐萬鎰陳

小順周玉余

賓余世林

楊瓊林

年四十七歲茶菴保人築寨而居設團自衛隣境之稍有身家者輒率眷偕來該處人烟稠密早爲匪人所窺伺迨同治元年正月十三日粵匪大股來撲瓊林督團迎戰於余家園之陽因眾寡不敵力竭陣亡其同時殉難

者曰吳和尚陳方本陳道安也

任學志

年三十七歲茶菴保人志切同仇心無掛礙真豪傑士也時值戴家莊有警戴其龍者與學志交最久特邀帶練救援學志應聲而至咸豐九年八月十三日是夜月色未明二人率勇敢士數人潛赴賊營正欲放火適爲賊見二人均遇害

州中卷之二

卷之二

七

民
婦
余劉氏

年三十五歲係余進福之妻向在余家營居住
進福約練擊賊數日不歸劉氏與兩女大姐鳳
姐在家常謂隣婦曰我們婦女倘遭賊擄死已
晚矣同治四年十一月十三日其夫不歸賊信
愈緊急投本庄塘
內淹死

李裴氏

年十九歲向在李家橋居住同治四年十一月
賊匪狂竄妯娌邀其出避裴氏泣曰近處無深
山窮谷可以藏身賊踪徧地出恐受辱不
若一死干淨十三日自投宅外港溝淹死

余易氏

年八十歲向在高店保余家營居住同治四年
十一月十九日賊燬其家易氏自投塘內水淺

不死厲聲罵

賊爲賊擊斃

民女陳文姐

年十九歲向在陳家庄居住同治四年十一月十四日與本庄婦女避難行至龔家塘埂地方

爲賊所掠守貞

不屈登時斫死

黃耿氏

年三十五歲向在黃家營居住是時各家避難或牛車或小車拖男抱女四處逃奔耿氏家無

牲口又無力雇車不能遠避指其門前塘曰我必死此斷不偷生受辱同治四年十一月十七日賊鋒逼近自

投塘水而死

聶鄧氏

年十八歲向在聶家營居住同治四年十一月十九日賊破其家欲行強暴鄧氏狠咬賊臂肉落筋出賊痛極釋手亂刀砍死

賀蘭姐

年十三歲

賀南姐

年十一歲向在賀家營居住同治四年十一月賊匪放火掠人婦女捐軀全節者甚眾兩幼女年小志堅恐遭汚辱甘心投水而死

黃小姐

年十五歲向居黃土崗同治四年十一月十六日亦投門前塘內淹死及并幼女皆能視死如

歸保全名節其志

可嘉其情可慘矣

汪朱氏

年二十二歲在汪家店居住同治四年十一月二十三日賊至大肆焚掠火勢將及其家家人拉其踰垣出避朱氏曰外面兵火橫飛出必不免且恐受辱不若死於屋內尚可保全名節竟不出頭刻間與

屋俱爲灰燼

樊楊氏

年四十二歲

樊劉氏

年三十七歲皆在樊家營居住同治四年十一月各鄉庄俱遭兵火楊謂劉曰賊勢若此必不

能生我們雖婦人也要死得轟轟烈烈各挾一
刀俟賊來時砍他幾刀罵他幾向死也瞑目賊
至二婦舉刀亂砍賊莫測其技急退出二
婦曰此去邀眾再來不可當矣刎頸而死

魏黃氏

年三十七歲

魏羅氏

年二十五歲同居魏家營地方賊未到時各言
其志俱願捐軀全節斷不受賊污辱同治四年
十一月二十日賊破其家志
烈心堅罵賊不屈俱被殺死

樊玉姐

年十四歲在樊家庄居住同治四年十一月十
七日隨同庄婦女逃出聞喊殺之聲恐遭賊擄

自投塘

丙淹死

陳洪氏

年六十七歲

吳楊氏

年六十四歲

陳王氏

年三十三歲

陳韓氏

年三十八歲

陳朱氏

年三十六歲俱在陳家營居住同治四年十一月賊匪焚殺各鄉諸婦自知難保相約聚處陳

家樓同死誓不受賊污辱至十八日勢已危急自焚其居同時燒死

周趙氏 年六十七歲向在吳家營居住

劉金姐 年十二歲向在劉家營居住俱於十八日同在陳家樓焚死

朱蘆氏 年二十一歲向在朱家營居住同治四年十一月賊匪大擾日夜驚惶其夫囑其速回母家避難蘆氏曰母家也在難中何能避難當此時勢惟一死可全名節十一月賊未到時先投塘內

淹死

郭宋氏

年七十八歲向在郭家營居住同治四年十一月隣居婦女皆出避難宋氏衰老行動不便誓死不出賊入其室宋氏

大罵不休被賊打死

劉王氏

年三十三歲向在劉家營居住同治四年十一月十六日賊入其家強其從行拖至門口抱門不出被

賊砍死

黃張氏

年三十三歲向在黃家營居住同治四年十一月十六日賊至自投塘內被賊撈起欲脫其衣

婦大罵不屈

登時被殺

董周氏

年二十八歲向在董家營居住同治四年十一月十六日賊至欲行強暴哭罵不從被賊扎死

趙二姐

年十六歲在潘家染坊居住同治四年十一月十四日賊近其家恐遭污辱先投塘內淹死

張李氏

年三十七歲向在鄒家崗居住同治四年十一月十四日火光四起婦女紛紛逃難李氏初與

同逃繼思徧地皆賊逃

亦難免遂投塘內淹死

嚴周氏

年二十六歲向在嚴家營居住同治四年冬賊匪焚掠各鄉日日傳聞某氏投水全貞某氏自

焚守節周氏曰人生不幸遇此兇暴不死何以自保此皆我之先導也十一月十四日自投塘內

淹死

秦葉氏

年七十五歲

秦劉氏

年五十一歲向在秦家廟居住是時數百里橫羅兵火慘不可言葉謂劉曰我們若遭兵刃必致肢體傷殘不若投河尚可全軀而死磨其家人各出避匿同治四年十一月十五日嫂娣相

扶投塘

淹死

毛張氏

年五十六歲毛家四民人毛階之妻也守節十餘年志喻清霜心盟白日家極貧一子爲人傭

工婦紡績自食其力茹苦含辛安之若素同治四年十一月匪至隣里勸其遠避婦曰未亡人死已恨晚何逃在爲遂閉戶獨處隱入其室遂之出婦厲聲痛罵匪焚其居死於火

周毛氏

年六十三歲已故民人周璜之妻也家居周家營同治四年十一月匪至之前數日先令其女

若媳出避曰我老矣扶杖行遲賊必追及爾等速避毋以我爲慮是月十五日賊至命婦造飯婦曰我雖女流亦知忠孝節義早拚一死故不出避肯爲逆賊供役耶匪恨甚以積薪燒其身骸骨亦零

星拋棄

余大姐

年十三歲

余鳳姐

年十一歲州之余家營人民人余進福之女也幼年喪母進福愛若掌珠二女秀慧天成頗知貞節時值干戈擾攘風鶴頻驚常聞人言婦女遇賊必被擄受辱大姐因私語其妹曰我輩孱弱女子不避則遭污辱避則行路艱窘徒爲親累倘一旦賊至盍同死以事我母於地下乎鳳姐泣曰惟姊命是聽同治四年十一月十三日賊蜂擁而來二女攜手投水死賊退於塘內得之鳳姐猶緊握姊手顏色如生

李裴氏

年十九歲李家橋口氏人李奎之妻生非名門頗盡婦道賊未至之前數月私語其夫曰夫婦本以偕老爲幸然值此亂世又以死節爲重此地免禍則已否則當以一死報君夫曰盍先避乎曰避亦不免同治四年十一月賊將至氏潛投塘盡節

劉李氏

劉家營人年七十八歲已故民人劉德懋之妻與董道清之妻樊氏年相若往來最密同治四年十一月十五日聞樊氏遇賊投水氏嘆曰彼爲我先導矣明日賊擾劉家營氏罵賊不屈遇害

張李氏

年二十四歲張家莊民人張鎬之妻同治四年十一月警報頻聞夫促其同行避難氏曰我輩女流日行數里遍地皆賊何處是桃源耶君爲男子承宗祀爲重可速行毋以我爲念越數日賊來氏投水全節

魯陳氏

余家營人年七十一歲已故民人魯道古之妻事姑嫜以孝聞夫歿守志教育兒女頗有大家風範鄉里稱爲賢母至花甲後繡佛長齋家事委於冢媳見貧乏者必盡力周濟深得佛家慈悲之義同治四年壽逾七旬正遭匪亂其戚族之婦女被擄者指不勝屈氏以杖擊地曰我若

遇賊決不肯湮沒以死是年十一月賊擾該處
氏罵不絕口恐被殺急投於水賊復鈎出之仍
罵賊而死

蘇李氏

年三十歲蘇家莊民人蘇祖軾之妻素賢孝
同治四年十一月皖匪竄擾闔家驚惶不知所
措氏獨扶持姑舅從後門出避匿於草堆叢中
兒女弗遑顧也屏息吞聲將及一日姑舅餓不
能忍婦亦饑寒交迫不得已於人靜更深潛赴
家內覓食以哺二老適遇賊欲辱之婦哀告曰
姑舅餓將斃倘蒙給食惟命是從賊憐其孝與
乾糲數枚而尾之行婦知不能脫且恐累及姑

身見路旁有井急欲躍入爲賊所執勢
窘甚厲聲哭罵賊怒其誑已遂殺之

胡丁氏

胡家營已故民人胡大發之妻年七十八歲膝
下祇一孫相依爲命同治四年十一月匪突至
見氏老態龍鍾不忍加害孫正青年被匪裹脅
氏牽裾不捨與賊拚命賊始以刀砍其手忍痛
不釋賊恨甚推入烈火中燒死
孫亦跳入火中自焚惜失其名

孟歐氏

年七十三歲孟國瑞之妻

孟徐氏

年六十九歲孟國治之妻妯娌也夫故守志節
凜冰霜各有一子家貧爲人傭工賴媳女紅以

供養殮時遭兵燹二老私相謂曰我輩遇賊不能全軀而死且尸骨暴露莫可辨識不若自清流究保首領以歿未幾賊至塘內溺死時同治四年十一月十三日皆孟家

崗

人

孟三姐

年十七歲傘陂寺民人孟作舟之女幼嫻姆教寡言笑秀外慧中父母愛若掌珠同治四年十一月粵匪擾亂作舟令妻女出避自守門戶女曰到處皆賊且土匪蜂起婦女拋頭露面禍更有不可言者作舟強令暫避於耿家莊以該處僻靜或爲賊踪未及也於是母女同行三姐臨

別拜父痛哭不止若永訣然是月十四日粵匪四出擄掠凡有人跡之所無不搜索一空三姐畏辱投

水全節

余龐氏

年四十六歲駱家店已故恩貢生余尙賓之妻家綦貧賴十指自給一子名天祿年甫十齡該氏守節撫孤鄉黨咸稱賢婦同治元年二月初七日粵匪突來氏挈子同逃沿洪家河而走是時匪踪漫野勢將被擄氏窘甚告其子曰我孀婦以全節爲重汝父祇此一脉可逃則逃勿輕生也語畢投水盡節天祿亦隨母而死

孟許氏

年四十三歲傘陂寺民人孟振生之妻咸豐十一年正月粵匪竄擾氏與其夫攜子女而逃行至羅家崗賊已逼近振生先被擄氏懼受辱抱五歲幼女投水盡節子名六角甫七齡見父被擄母與妹俱投水死亦相與投水自溺

孟王氏

年三十七歲夫名佩生卽孟許氏之娣也當時兄弟妯娌原相約同逃至賊勢逼迨各不相顧佩生亦不知何往孟王氏悲甚驚甚望見賊騎馳驟而來適路旁有井急抱七歲幼女投井捐軀其殉節之處

地名王家堰

孟羅氏

年三十三歲夫名清生卽振生佩生之胞弟也
妯娌素和好倉皇出走攜手同行迨半途失散
羅氏不知路徑見賊迎面而來膽爲
之破行不成步急投路旁井內盡節

徐張氏

談家店人年六十九歲已故民人徐珊之妻教
子極嚴治家極肅洵賢母也子名殿祥頗得親
心當同治四年十一月初間粵匪各處騷擾張
氏知必不免因命其子進城市物以爲禦冬計
實則使其遠避也殿祥曰寇深矣何敢暫離膝
下母怒欲撻之乃行迨殿祥進城賊已蝟集張
氏與孫女四姐匿於僻處不得食
該逆盤踞半月甫退祖孫俱餓死

談劉氏

年五十歲談家店民人談作舟之妻膝前無子
祇一女九歲當同治四年十一月遭粵匪之亂
老幼男女紛紛逃竄談作舟驚悸成疾不能出
門劉氏素賢淑見夫病垂危賊氛又逼進退無
路終日求神禱佛愿以身代柰夫病如故至十
五日粵匪已抵境內氏知勢迫懼受辱急攜幼
女投集外塘
內同時溺斃

徐曾氏

年十九歲古城徐堯之妻美而賢事翁姑以孝
聞咸豐十一年正月二十三日粵匪猝至執魯
氏強之以行時正沿河而
走氏乘賊不備投水自盡

楊余氏

年四十八歲里塘楊榮貴之妻咸豐十一年正月粵匪趙余氏為炊氏見匪恣行淫暴因怒

罵曰汝等直同狼虎我不為禽

獸執炊賊鞭之罵益厲遂遇害

楊大姐

五里塘民人楊作清之女年甫十齡頗知貞節父母見賊逼近急攜女避難女堅不肯行日死

於野不如死於家也不得已

遂舍之賊至焚其居燒死

王蘇氏

年四十五歲潘家店民人王忠平之妻性貞靜克盡婦道伉儷甚篤賊未至之前數日先令兒

女往母家避亂夫促氏同行氏曰母家豈真桃

源耶遂與夫共守門戶咸豐十一年十二月十

八日粵匪四出焚掠忠平偕蘇氏逃至楊家集
餘匪迎面而來婦急匿於水灘蘆葦叢中忠平
迫不及避被匪砍死賊過盡蘇氏
見夫被殺撫尸痛哭投水以殉

楊方氏

年五十九歲上亞港已故民人楊任豐之妻孀
居十餘年克修婦德隣里無間言子名景雲娶
媳黃氏琴瑟靜好事姑以孝聞極得歡心鄉黨
僉謂楊氏有佳婦焉咸豐十一年十二月粵匪
竄擾景雲隨練堵禦姑媳二人避難於齊山口
十九日賊隊蜂擁而來猝不及避姑媳懼受辱
遂遙望祖塋泣拜
攜手投水而死

易三姐

年十四歲高廣保人從九易克鞏之第三女也
秀慧天成讀書明大義女紅餘閒輒執經從椿
庭間字喜看烈女傳等書人以不櫛進士呼之
咸豐十一年十二月二十一日賊騎竄至高店
境內全家驚惶獨三姐神色自若潛
坐圍溝旁勢迫遂翻身投水以殉

葉方氏

年三十八歲虎行店已故民人葉崇禮之妻孀
居二十年矣淒風苦雨矢志懷清女申姐年甫
及笄守貞未字母女二人相依爲命咸豐十一
年警報頻至母令女偕隣婦避難女曰母生亦生
母死亦死兒何獨逃爲也氏不得已攜女同行
正月二十四日行抵光山縣境有地名姚家大

栗樹者小憇片刻皖匪

突至母女俱投水死

夏張氏

年七十五歲河陂寺已故民人夏官之妻孀居四十餘年家貧一子出外傭工數載不歸氏紡績自食其力同治四年十一月二十日粵匪犯境驅氏覓食物氏罵曰爾等叛逆行同禽獸天地不容我年七十有五死在旦晚肯爲爾等執役俾後人唾罵耶欲殺便殺毋多言遂遇害全

節

程大姐

年十八歲梁家店民人程文會之女貞靜寡言笑父母珍愛備至隣里鄉黨亦嘖嘖稱羨遭同治

四年十一月，匪之亂，家人驚竄，不遑相顧。女行路艱難，且面皆賊，祇有一死自全。正欲投繯，適賊至，被執逼辱之。女痛哭大罵，以頭觸賊，抵死不從。賊怒，以刀擊其背，血透衣襟。女罵更厲，賊終不殺，驅迫前行。女至北門外城濠邊，伺賊不備，急投水死。

張楊氏

年三十九歲，張鳳鎮之妻。

張蔡氏

年二十六歲，張鳳翔之妻，與楊氏妯娌也。楊氏有子六歲，蔡氏有女八歲，平素和好，無間言。當同治四年，粵匪擾亂，常聞某氏殉節，某氏被裏。梯問嫂曰：我輩設不幸而遇賊，將奈何？楊氏曰：

能逃則逃不能逃則死蔡氏謹識之迨十一月二十四日粵匪犯茶庵保蔡氏四顧皆賊無路逃生泣謂楊氏曰今日不能逃矣於是各抱子女投徐家大塘盡節

劉余氏

年四十一歲河陂寺民人劉朝君之妻同治四年十一月二十四日粵匪突至劉氏索金銀氏哀懇曰我家一貧如洗從未見過金銀賊怒鞭之舍之以去氏慮賊復至急投纆殞命

余羅氏

年四十二歲河陂寺民人余進金之妻

余劉氏

年三十二歲余進財之妻妯娌二人矢志死節同治四年十一月十六日粵匪逼近嫂娣從容

張第姐

自縫其衣服週身如天衣無縫遂同至王家營
投塘內盡節賊退出之仍攜手如生面不改色
固始縣文生張繼忠之次女也年十五歲容貌
娟好性格溫柔女紅之餘兼習經史繼忠鍾愛
之嘗授以唐詩三百篇挑燈吟咏往往達旦父
母嘆曰安得生男若此哉家住該縣之北廟集
地處邊疆與皖省接壤爲寇盜出沒之所咸豐
七年二月初七日粵匪邊馬擾境女懼辱投木
集張家塘

內全貞

陳齊氏

年七十一歲榆樹店已故民人陳向贊之妻時
遭兵燹民不聊生氏每聞得賊淫暴備極慘毒

輒義憤填胸以盡殺爲快同治五年二月十五日粵匪折回該氏見賊便厲聲痛罵賊相謂曰我等橫行數年從未見此不怕死之老嫗者一賊欲殺之旁一賊曰不如以鐵釘釘死遂用大鎚丁釘入命門臨死猶罵賊不屈怒氣勃勃賊退鄉隣見之莫不流涕云

孫女

年十九歲傅家店民人王綴之僕女也女姓孫有姿色性極貞靜舉止端方常以命不猶人爲恨事主人勤謹小心誼若骨肉主人亦待之如女同治四年十一月初十日粵匪突至王綴闔家被裏生死在呼吸之間賊愛孫女色逼女乘馬餘令隨行女知賊愛已因哀懇曰我僕女也

主人平日待我恩厚若肯釋我主人全家我必甘心相從否則有死而已賊盡釋之女復遙別主人曰我從將軍去不知再見何年矣隨賊行數里行至三尖河地方乘間投水死

查光州婦女歷年死節者指不勝屈其臨死事實不能人人詳載要皆操比松筠心堅金石洵稱巾幗完人錄存姓氏里居生年死日自足昭垂千古永享馨香矣